

Područje našičke općine obuhvaća 56 naselja od kojih svako ima svoje historijsko i etnografsko obilježje i svoj udio u NOB. Ovo daje i perspektivu daljnjeg razvoja muzeja.

U muzeju rade kao stručni suradnici prof. Ivana Jurković za etnografiju, prof. Josip Waller za radnički pokret i NOB, prof. Branko Kranjčev za arheologiju i geologiju, prof. Marcel Arnold za likovno-estetsko oblikovanje.

Osnivanjem muzeja u Našicama popunjena je mreža muzeja za ovo područje na kojemu od Virovitice do Osijeka nije djelovao ni jedan takav muzej.

MUZEJ REVOLUCIJE BiH - SARAJEVO

Iz opsežne djelatnosti ovog muzeja u toku prošle godine vrijedno je naglasiti u prvom redu interni rad na stručnoj i naučnoj obradi i na inventarizaciji muzejske građe. - Na održanim trinaest radnih sastanaka stručnoj kolegiji u toku godine razmatrani su planovi i projekti tematskih izložaba, rad pojedinih muzejskih sektora, elaborati o unapređenju i organizaciji stručnog rada, izdavačke djelatnosti, tekstovi stručnih i naučnih priloga. - Muzejske zbirke su obogaćene sa 1859 predmeta od kojih znatan dio od posebne historijske vrijednosti. - Inventirano je i obrađeno preko 9.600 muzejskih predmeta. - Priređeno je pet tematskih izložaba u muzeju i 37 izložaba (pokretnih) u raznim mjestima BiH i Srbije koje je vidjelo 90.000 posjetilaca. - U muzeju je održano 26 predavanja, 30 filmskih predstava učenicima srednjih škola. -

Predviđene su nove akcije - izrada vodiča kroz stalnu izložbu i pokretanje vlastite stručno-naučne publikacije.

Muzej je kao matična ustanova intenzivnu aktivnost usmjerio ne samo na pomoć nego i na konkretnu angažiranost u muzejima i zbirkama u BiH sa analognom tematikom (Foča, Livno, Mrkonjić Grad, Drvar i dr.). Za potrebe muzeja u pokrajini u fotolaboratoriju ovog muzeja načinjeno je preko 2.300 fotosa.

U toku su radovi na temeljitoj obnovi stalnog postava muzeja, na bazi zapažanja i iskustava pedagoške službe koja je u ovom muzeju naročitu pažnju usmjerila na kontakte sa školama i širokim krugom posjetilaca.

ZEMALJSKI MUZEJ - SARAJEVO

Tradicija izdavačke djelatnosti sa Glasnikom Zemaljskog muzeja i istim izdanjem na njemačkom jeziku "Mitteilunngen aus Bosnien und Hercegovine", polučila je svjetsku reputaciju. Zamjenom za ovaj časopis, a i direktnom nabavkom stručne literature biblioteka Zemaljskog muzeja u Sarajevu sa preko 88.000 svezaka ulazi danas u uski krug najbogatije opremljenih naučnih biblioteka ne samo u Jugoslaviji i daje za svoje područje široke mogućnosti



Pokrajinski muzej Maribor - novi postav zbirki

naučnog rada. - Zemaljski muzej za svoje publikacije redovno prima zamjenu od 370 ustanova u Jugoslaviji i 465 ustanova u inozemstvu. - Od cjelokupne stručne literature izrađuje se istovremeno i stručna i naučna bibliografija i predmetni katalog. Naročita pažnja posvećena je prošle godine reviziji i izradi stručne bibliografije za etnologiju i arheologiju. - Za bibliografske i druge informacije osim redovnih korisnika koji direktno koriste bibliografski katalog, u toku prošle godine pismeno se obratilo na biblioteku preko 270 naučnih radnika i ustanova iz inozemstva za stručne informacije. - Nije iznenađujući podatak da je u toku prošle godine u biblioteci Zemaljskog muzeja radilo 1.712 naučnih radnika i studenata koji su koristili oko 6.000 svezaka knjiga i časopisa iz biblioteke muzeja. - U toku prošle godine urodilo je dobrim rezultatom revizija časopisa i kompletiranje manjkajućih brojeva, naročito za stručne časopise posljednja tri decenija, koji su i najviše traženi i korišteni i za naučni rad najpotrebniji. - Intenzivno je nastavljena izrada bibliografije i predmetnog kataloga za sve struke i grane nauke koje se proučavaju u Zemaljskom muzeju.

U toku prošle godine posjetilo je muzej 62.846 posjetilaca (sa plaćenim ulaznicama). - Vrijedno je istaknuti pedagošku aktivnost. U toku godine održano je u muzeju ukupno 370 metodskih jedinica sa razrednim odjeljenjima škola sa 11.107 učenika. - Proučen je novi nastavni program osnovnih škola i unešene nove metode jedinice u spisak nastavnih tema koje se mogu obraditi u muzeju. - Održano je 408 tematskih predavanja muzejskih kustosa i pedagoga grupama posjetilaca i stručnim grupama (naročito stranim stručnim grupama na njemačkom, engleskom, francuskom, bugarskom jeziku i drugim). - Održan je seminar za učitelje sarajevskih škola kojim je prisustvovalo 320 učitelja. - Održan je seminar za nastavnike biologije u botaničkom vrtu Muzeja kojemu je prisustvovalo 42 nastavnika. - Održan je seminar kandidatima za turističke vodiče kojemu je prisustvovalo 50 slušača. -

Sve turističke ustanove i turistička mjesta u gradu primili su dovoljnu količinu propagandnog materijala (kolor prospekti, panoji i dr.). - Organizirana je stalne suradnja sa svim turističkim organizacijama i ustanovama u Sarajevu i drugim mjestima. - Propaganda za Muzej uspješno je realizirana suradnjom sa Radio i TV - Sarajevo.

GALERIJA LIKOVNIH UMJETNOSTI - VINKOVCI

Rezimirajući godišnji izvještaj Galerije vrijedno je istaknuti izložbenu aktivnost koja nije ograničena samo na pasivno izlaganje djela pojedinih autora odnosno grupe autora. Izložba i njihova tematika je istovremeno i povod za kompletiranje dokumentacije koja je vezana za temu izložbe - dokumentacija o svakom autoru koji je izlagao u Galeriji ili na samostalnoj izložbi ili na skupnim izložbama.

Od jedanaest izložaba u toku 1973. godine vrijedno je posebno istaknuti individualne izložbe Ferde Kulmera, Vanje Kavurić, Vladimira Filakovca (posthumna izložba), Milana Konjovića.